



KENYATAAN MEDIA

MOSTI MENYAMBUT BAIK KENYATAAN PRA-BELANJAWAN 2022 **OLEH KEMENTERIAN KEWANGAN**

Menteri Sains, Teknologi dan Inovasi (MOSTI), YB Dato' Sri Dr. Adham Baba menyambut baik kenyataan pra-belanjawan 2022 oleh Kementerian Kewangan Malaysia.

MOSTI akan memberi tumpuan ke arah mempertingkatkan infrastruktur digital dan teknologi disruptif yang menjadi nadi utama bagi kelangsungan sistem ekonomi permulaan (*start-up*), pembiayaan dan pembangunan bakat bagi memangkin pembangunan sosial dan ekonomi negara di samping memacu agenda kelestarian negara selaras dengan Matlamat Pembangunan Lestari (*Sustainable Development Goals* atau *SDG*).

Penekanan diberikan kepada teknologi Revolusi Industri 4.0 atau IR 4.0, dan transformasi digital yang berasaskan kepada pembangunan tempatan yang berteknologi tinggi dan ekonomi kurang sentuhan (*low-touch economy*) terutamanya dalam menghadapi situasi pandemik yang mencabar ketika ini.

Untuk makluman, MOSTI sedang berusaha membangunkan vaksin COVID-19 dan vaksin-vaksin lain yang berkaitan dengan penyakit-penyakit tropika. Usaha ini akan melahirkan lebih ramai pakar dalam pembangunan vaksin, dan saintis dalam penyelidikan. Selain itu, penekanan akan turut diberikan kepada pembangunan *innopreneur* iaitu melahirkan usahawan berlandaskan inovasi dalam kalangan B40 dan M40 yang menjadikan produk inovasi dan ekonomi digital sebagai sumber penjana pendapatan untuk mereka mempertingkatkan kualiti kehidupan dalam mengharungi pandemik COVID-19.

Selain itu, MOSTI akan terus menerajui bidang teknologi baru muncul (*emerging technologies*) antaranya dron, elektrik dan elektronik, Internet Kebendaan (IoT), Kecerdasan Buatan (AI), blok rantai (*blockchain*), ruang simpanan awan (*cloud storage*), robotik, serta inovasi dengan pendekatan yang berpusatkan manusia (*human-centric innovation*).

MOSTI akan memastikan semua warga kerja kementerian dan agensi-agensi di bawah MOSTI sentiasa proaktif dan pantas dalam menghasilkan impak berprestasi tinggi serta mengarusperdanakan sains, teknologi dan inovasi. Budaya kerja cemerlang ini akan memperhebatkan mutu penyampaian kepada masyarakat seterusnya meningkatkan produktiviti dalam memacu IR 4.0 ke arah Masyarakat 5.0 (*Society 5.0*).

#KeluargaMalaysia
#BekerjaBersamaRakyat
#LindungDiriLindungSemua

Dato' Sri Dr. Adham Baba
Menteri Sains, Teknologi dan Inovasi
4 September 2021